



ZAKONITOST



INTEGRITET



ODGOVORNOST



TRANSPARENTNOST



VODIČ

ZA GRAĐANE


O PRIMJENI
ETIČKOG
KODEKSA
GRADSKOG
VIJEĆA
GRAČANICA



ETIČKI KODEKS UTVRĐUJE PRINCIPLE I PRAVILA PONAŠANJA I SVI VIJEĆNICI I VIJEĆNICE DUŽNI SU SE PONAŠATI U SKLADU SA ETIČKIM KODEKSOM.

SVI GRAĐANI IMAJU PRAVO DA PRATE PRIMJENU KODEKSA I DA PODNESU PRIJAVU ZA KRŠENJE KODEKSA UKOLIKO IMAJU TAKVA SAZNANJA I DOKAZE.

ETIČKI KODEKS JE USVOJEN NA SJEDNICI GRADSKOG VIJEĆA 30. DECEMBRA 2025. GODINE.



01.

**SVRHA I
CILJEVI
DONOŠENJA
ETIČKOG
KODEKSA**

02.

**PODRUČJE
PRIMJENE**

03.

**OSNOVNI
PRINCIPI**

**ELEMENTI
ETIČKOG
KODEKSA**

06.

**PODNOŠENJE
PRIJAVA**

05.

**SANKCIJE
ZA KRŠENJE
KODEKSA**

04.

**PRIMJENA
KODEKSA**

ZAKONITOST

INTEGRITET

SVRHA:

Etičkim kodeksom izabраних званичника Grada Gračanica, koji je usvojen na sjednici Gradskog vijeća 30. decembra 2025. godine, utvrđuju se:

- pravila ponašanja izabраних представника/ca Gradskog vijeća Gračanica,
- mjere za provođenje Kodeksa,
- postupak utvrđivanja povreda i izricanje sankcija,
- nadzor nad provođenjem Kodeksa i
- druga pitanja etičnog ponašanja i odgovornosti vijećnika i vijećnica

CILJEVI DONOŠENJA KODEKSA SU:

- promocija etičnog ponašanja vijećnika/ca
- očuvanje i unapređenje integriteta i ugleda Gradskog vijeća
- jačanje povjerenja građana i javnosti u integritet Gradskog vijeća

PODRUČJE PRIMJENE

Principi i pravila ponašanja utvrđeni ovim Kodeksom primjenjivaće se:

- na sjednicama Gradskog vijeća
- na sjednicama radnih tijela Vijeća,
- međusobnoj komunikaciji,
- komunikaciji sa predstavnicima drugih nivoa vlasti,
- komunikaciji sa drugim licima, javnošću i svim javnim istupima uključujući i istupe na društvenim mrežama i u izbornoj kampanji.

OSNOVNI PRINCIPI:

• **Poštivanje zakona i drugih propisa**
(Vijećnici/e će donositi sve odluke u skladu sa zakonskim propisima i procedurama i javno upozoriti ukoliko dođe do kršenja zakona i procedura)

• **Očuvanje integriteta**
(Vijećnici/e će donositi odluke samostalno i odgovorno i isključivo u interesu svih građana, a ne ličnom interesu)

• **Nediskriminacija**
(Prilikom obavljanja svoje dužnosti i donošenja odluka vijećnici/e neće ispoljavati bilo kakve oblike predrasuda ili diskriminacije u odnosu na rasu, vjeru, spol, etničku ili nacionalnu pripadnost, političku opredijeljenost, starosnu dob, bračni status, seksualnu orijentaciju, socijalno-imovinski status i svaku drugu različitost)

ODGOVORNOST

TRANSPARENTNOST

- **Odgovornost i javni interes**

(Vijećnici/e će svoju dužnost obavljati odgovorno, profesionalno i savjesno, isključivo u javnom interesu bez favoriziranja bilo kojih povezanih lica, grupa i organizacija)

- **Javnost rada**

(Vijećnici/e će biti spremni da javno obrazlože razloge za svoje postupke i pruže javnosti informacije o svom radu i radu Gradskog vijeća)

- **Uzajamno poštovanje i komunikacija**

(U međusobnoj komunikaciji i komunikaciji s javnošću vijećnici/e će istupati sa uvažavanjem i poštovanjem, njegovati kulturu dijaloga i argumentovanu razmjenu mišljenja, te neće koristiti neprimjerene izraze ili gestikulaciju)

PRAVILA PONAŠANJA I OBAVEZE VIJEĆNIKA/CA

- **Zabrana korupcije i drugih oblika zloupotrebe javne funkcije**

(Vijećnicima je zabranjeno primanje ili zahtijevanje bilo kakve koristi u vezi sa obavljanjem povjerene dužnosti ili pogodovanje interesima drugih lica prilikom glasanja za odluke Vijeća)

- **Sprječavanje sukoba interesa**

(Vijećnici/e će izbjegavati svaki sukob privatnog i javnog interesa i izuzeti se iz svih postupaka u kojima to nije moguće, odnosno tražiti mišljenja i poštovati odluke nadležnih tijela)

- **Finansijska disciplina i korištenje povjerenih sredstava**

(Vijećnici/e će svoje dužnosti obavljati savjesno i ekonomično raspolagati javnim sredstvima, poštujući pravila budžetske i finansijske discipline)

- **Zabrana primanja poklona**

(Vijećnici/e neće tražiti niti primati poklone u vidu novca, prava ili usluga za obavljanje povjerene dužnosti, a sve protokolarnе poklone veće vrijednosti će prijaviti u registar poklona)

- **Obaveza informisanja javnosti i saradnje sa medijima**

(Vijećnici/e su dužni raditi otvoreno i odgovorno informisati javnost o svom radu, te u saradnji sa medijima voditi računa o ličnom ugledu i ugledu Gradskog vijeća)

- **Poštivanje Poslovnika o radu Gradskog vijeća**

(Vijećnici su dužni obavljati svoje poslove u skladu sa poslovníkom Gradskog vijeća, Ustavom, zakonima i propisima)

ZAKONITOST

- **Poštovanje zaposlenih u Gradu** (Vijećnici/e će se prema zaposlenim u Gradskoj upravi odnositi sa poštovanjem bez bilo kakvih predrasuda i neće od njih zahtijevati bilo kakve radnje u cilju sticanja sopstvene koristi)

- **Obaveza edukacije i usavršavanja** (Vijećnici/e su dužni usavršavati svoja znanja i sposobnosti u cilju što uspješnijeg obavljanja povjerene dužnosti)

- **Zabrana seksualnog uznemiravanja** (Vijećnicima je zabranjeno ispoljavati bilo kakve oblike seksualnog uznemiravanja prema drugim osobama, uključujući verbalno i fizičko nasilje, izrugivanje, slanje seksualno eksplicitnih poruka, širenje glasina, prijetnje, neprimjerene gestikulacije, neželjene dodire, te povrede ličnog prostora)

PRIMJENA KODEKSA

Za primjenu Etičkog kodeksa zadužena je Komisija za Etički kodeks koja je formirana pri Gradskom vijeću. Komisija ima pet članova, dva iz reda vijećnika i tri iz reda građana.

INTEGRITET

Komisija je zadužena da:

- prati primjenu Etičkog kodeksa
- prati rad vijećnika/ca i ukazuje na kršenja Kodeksa
- razmatra prijave za kršenje Kodeksa
- predlaže Gradskom vijeću mjere za utvrđena kršenja Kodeksa
- organizuje promociju Etičkog kodeksa

SANKCIJE ZA KRŠENJE KODEKSA

Gradsko vijeće, na prijedlog Komisije za Etički kodeks može izreći sljedeće sankcije za kršenje Kodeksa:

- ukor
- javni ukor i
- novčana kazna (u iznosu 20%-50% vijećničkog paušala na period oddo 6 mjeseci)

Povrede kodeksa mogu biti **lakše** (uskraćivanje informacija medijima, neprisustvovanje edukacijama), **teže** (ispoljavanje predrasuda i diskriminacije, nesavjesno obavljanje funkcije, kršenje poslovnika) i **najteže** (kršenje zakona i propisa, koruptivne aktivnosti, neprijavlivanje sukoba interesa, kršenje budžetske i finansijske discipline, svi oblici seksualnog uznemiravanja).

PODNOŠENJE PRIJAVA

Svi građani, odnosno sva pravna i fizička lica imaju pravo podnijeti prijavu protiv vijećnika/ca za kršenje Kodeksa.

Prijava treba da sadrži podatke o licu protiv kojeg se podnosi kao i dokaze o kršenju Kodeksa. Prijava se podnosi na propisanom obrascu i mora biti potpisana od strane podnosioca prijave.

Prijava se može dostaviti na tri načina:

1. poštom ili

2. direktno na pisarnici

u zatvorenoj koverti i naslovljava na **“Gradsko vijeće Gračanica, ul. Bašeskijina br.1, 75320 Gračanica – Komisija za Etički kodeks sa naznakom “NE OTVARATI”**.

3. E-mailom (takođe na propisanom obrascu) **na e-mail adresu: eticki.kodeks@gracanica.gov.ba**

Prijava se podnosi u roku od 30 dana od kršenja Kodeksa.

Komisija je dužna postupiti po prijavi u roku od osam dana po prijemu prijave, a postupak se mora okončati u roku od 30 dana.

Vijećnik/ca protiv kojeg je pokrenut postupak dužan je da se izjasni u roku od osam dana od poziva Komisije.

Komisija ima pravo pozvati svjedoke u svrhu utvrđivanja činjenica o prijavljenom kršenju Kodeksa.

Nakon provedenog postupka Komisija predlaže Gradskom vijeću odgovarajuće sankcije protiv vijećnika/ce za utvrđeno kršenje Kodeksa ili odluku o odbacivanju prijave ukoliko je neosnovana.

Gradsko vijeće na prijedlog komisije donosi **Odluku o kršenju Kodeksa i izriče sankciju protiv vijećnika/ce** za kršenje Kodeksa.

U slučaju da, u toku postupka, Komisija utvrdi da postoje indicije o učinjenom krivičnom djelu Komisija je dužna prosljediti prijavu nadležnim organima.

Vijećnici/e imaju pravo uložiti žalbu na Odluku Vijeća o kojoj odlučuje drugostepena Komisija u roku od 30 dana.

Etička Komisija je obavezna da vodi registar prijava i da Gradskom vijeću podnosi izvještaj o svom radu.



Gradsko vijeće Gračanica
Komisija za Etički kodeks

ZAJEDNO ZA:

ETIČNOST

ZAKONITOST

ODGOVORNOST

TRANSPARENTNOST

INTEGRITET

Obrazac za prijavu kršenja Etičkog kodeksa se može pronaći na linku:

<https://gracanica.gov.ba/eticki-kodeks-izabranih-zvanicnika-grada-gracanica/>